

鐵龕詩存

鐵龕詩存卷三

採藥歌

人生幾回開笑齒一月四五日而已胡爲奔走形勢
途徼倖萬一至老死葛洪授我採藥圖知此圖者一
人無朝餐爛煮石公石夜眠安臥壺公壺我輩猶人
何足異所異區區惟尙志徐福安知海上山李泌終
累人間事丹青圖畫上凌煙黃白飛昇作散仙二者
往往難兼得如是人間無了緣前觀身世卜亨屯後
顧兒孫計富貧此際南山爛白石此時東海揚紅塵

幾見月圓花又好人生作計苦不早瓜圃旋成故侯
居蓬萊空待麻姑老我欲身從採藥翁年年採藥東
海東蠲忿忘憂脫塵網異書遍訪名山中

讀靈素有感而作

神農赭鞭驅百草巫彭遍啖不得飽始皇焚書黑如
炭豫讓生吞不當飯始皇無奈邪說多神農無奈心
死何書焚不盡草無靈人心從此幻生魔君不見不
韋陽翟大腹賈居奇盜取天子父仲尼卑詞謁盜跖
按劍怒叱聲如虎篋中一部廿四史操莽闖獻半盈

紙夷齊餓死無人收
茫茫誰辨非與是我愛濟顛佛
日飲醉如鼈不讀始皇以後書
獨採神農以前藥
天子不得臣諸侯不得友
離諸苦惱緣一生惟縱酒

答友人問詩

忙作官猶忙作詩
酸鹹一樣只心知
三三三影何煩爾
一壑一邱自過之
才子不應幽類鬼
老娘也有倒紉兒
閒吟聊爲排愁去
何必推敲苦著思

歌贈李薑隱

男兒處世逢離亂
得失榮辱皆見慣
蜀中吳玠苦衛

鄉彭澤陶潛寧戀棧紛紛共逐秦人鹿天下功名在
屠牧晁錯何堪號智囊傅迪只合稱書簾頓地何吁
吁仰天何吾吾拗折鐵如意擊碎玉唾壺纖兒撞壞
好家居說士尙談赤伏符我欲手攀青雲梯上訴眞
宰天聽低帝旁玉女皆大笑以額叩闔天路迷干將
補履不如兩錢之錐玄圭候晷不如一管之灰而今
駿骨不用一錢買何須黃金燕市築臺爲朝三暮四
樂且樂胡爲拔劍斫地歌且啼

早起

庭前兩樹小桃花帶露迎風滿著葩晨起自携茶一
盞綠陰濃處讀南華

甲子雨

俗傳春日甲子赤地千里言春季甲子日雨必大旱也今春甲子微雨因感吟

萬物皆芻狗天心何不仁雨逢春甲子運值歲庚申
術士皆言本年庚申世局當有變亂風景無殊舊煙花依樣新何當移
地住五嶽看成塵

閒吟二首

微雨淨塵垢好風暢我情食疏知胃健睡足覺身輕
邈邈陶元亮觥觥郭子橫悠然神與往靜坐念生平

又

天下本無事庸人自擾之紛更王介甫顛倒嚴分宜
呼我任牛馬與君食蛤蜊由來興廢事付與杜鵑知
題陶淵明桃花源記

世間何處有桃源十九荒唐作寓言天下已無乾淨
土意中別想遜棲門避秦未必非逃宋迷路何嘗定
有村須識文章多忌諱傷時悼國託空論

對月

皓皓天上月明明見凹凸昔聞后羿妻偷藥奔靈窟

丹桂多枯枝吳剛曾斫伐羿妻本凡胎吳剛豈仙骨
舉酒問青天此中幾貝闕我欲乘風去飛向廣寒歇
白兔搗元霜嫦娥垂綠髮飲我甘露漿清冽天香發
俯視煙雲飛平觀星河沒安知人間世風濤猶瀟渤

惜春

春至愛花好春去愁花老花間抱膝吟推敲學賈島
賈島初好道因詩墮煩惱棄僧忽求官山花笑絕倒
辜負眼前春花落無人掃我亦塵網中勞人嗟草草
年年不知春冷落床頭稿對酒思莼鱸不厭秋風早

歌示友人

讀萬卷書行萬里丈夫立志當如此幾輩清流誤濁
流其餘不足觀也已爭晨燕幅兩盲從起陸龍蛇半
偶逢丞相謠言十七字雄藩健卒十條龍首鼠無非
安國智井蛙多是子陽類黃金台上競功名白鹿洞
中講義利吾曹結習誤拘迂不解人間功利途試看
金鑄與絲繡何必讀書似腐儒

五十自述

吾年三十六始與塵網撙四稔巡遼郡一官鐵嶺城

滄桑忽易勢卓犖負虛名
游筦東南道兼轄鎮守營
世衰綱紀墜官濫節義輕
興言擊笏憤掉首挂冠行
負疴臥故里束帛採虛聲
重下馮婦車還愧王陽情
紆徐策劣駟崎嶇掣長鯨
豈不憚艱險深懷國士盟
白駒忽云逝黑首霜易盈
省身過未寡知命年已迎
椿庭聳高蔭梓樹垂繁榮
天庥良已足世事復何爭
倦遊屢思返維繫迭相賡
人壽雖無幾且俟黃河清

財政廳院老榆歌

老榆當院頭已禿低頭俯瞰長官屋
長官更迭閱歷

多紛紛賢否都在目春風蕩澹老榆歡秋風淒咽老
榆哭歡哭春秋幾百年膠膠擾擾及不穀不穀風塵
草草人摩挲不覺眉頻顙樹猶如此人何堪老榆視
我今爲孰榆自無言心半空卿輩數百容此腹過去
幾經榮與枯未來不識誰司牧來去匆匆過眼忙何
人皜皜秋陽暴低徊徐發老榆歌聊托友聲吟伐木

答友人

唐以詩取士不厭格律嚴亦如試制藝雕鑿趨巧纖
詩以陶性靈豈如兵符鈐天以自然健性以自然恬

人生有浩氣天地不能淹奈何吟咏苦轉如科律箝
鳥難浴以白鵠難染以黔好醜各有適勿爲釘鉅搏

詠史

古今治亂事相同得失分明在眼中政令已歸藍面
鬼屠沽皆作黑頭公桓溫甘遺千年臭孟德空爲一
世雄朝露未晞猶擾攘紛紛爭欲冒天功

中流無砥障狂瀾世事都從冷眼觀已見摸金添校
尉更聞搜粟有都官羊頭羊胃羣謠起狐搢狐埋衆
語譚談到曹瞞爭笑罵如何人轉效曹瞞

十月桃花臘月雷休徵未見咎徵來冬行春今天無
狀石與人言鬼有才運至羌氏盡龍虎劫終闖獻等
驚駘從知治亂由人事莫向蒼蒼搔首哀

庚申歲暮寄懷兆備

公退裁書寄兆備邇來吟興漸疏慵我詩意造本無
法此世才多不若庸河北審逢空社鼠遼東邴管自
人龍近因多病懷幽靜何日萼鱸願始從

依韵和傅立魚生女

人居渤海金山外氣薄長虹寶月間嘯傲江湖懸健

筆蒼茫身世隱嚴關秦簫佳話三生証鄴瓦新詩一例頒縱未緇郎傳異事慰情徵士且怡顏

本非好辯承三聖不敢隨聲薄五倫未脫情緣人說夢偶留色相佛談因銀魚白傳憐嬌女玉勝王家有賀賓應識屬毛離裏義吟成弄瓦等純淪

十年夏歷辛酉元旦

歲值金鷄十易霜夏正首祚布初陽九街燈火星無數萬戶桃符日有光井卜犧爻推國運

按邵子皇極經世民國十

年卦值

井泰交麟筆紀春王今朝猶是承平象爆竹聲

中夜漏長

觀碁

爛柯山下看殘棋局亂無分黑白時
老蚌相持同敗鵠羣雄競逐孰甘雌
胸中經緯堅如壘劫外河山亂
若絲底事盤盤成大錯可憐著手太離奇

望江

松花江接黑龍江劃破中流砥柱雙流濁流清渾不
辨浪花亂濺打魚樁

一夜風雲變態奇排山白浪起蛟螭斷檣折楫浮江

下往事回頭不忍思

清明後一日

萬里城東氣候偏
仲春時節似秋前
清明已過猶飛雪
寒食由來不禁烟
龍塞風高沙碾地
鴨江冰泮水浮天
綠楊紅杏探消息
花事遲遲似去年

三月七日作

三月風光尚楊褰
邊城春色望悠悠
黃塵簸簸從天

降

是日降黃塵如雨

白雪潺潺化水流
洛上杜鵑空感慨

近年

北地漸暖皆謂天道北感

太常仙蝶更遲留

去年正月十七日

家父壽辰有蝶當塔緩飛高蔚然觀察蝶謂從今願借
太常仙蝶竟在遼東今已三月猶無蜂蝶

東皇力萬紫千紅一覽收

感賦

世亂公道湮閱深功名冷進固非伊周退亦無箕穎
緬彼曼倩翁龍蛇隨化境詭時故不逢朝市隱形影
屈伸變化間迷夢醒宜猛侈口談勲勞療飢同畫餅
何以安美寢委吏滋味永

驄馬行

吉林孫督軍黑龍江吳督軍各贈連錢
驄馬一匹即俗稱菊花青也

孫侯吳侯今健者生平同好好良馬千里能逢伯樂